

松氏
校點


新撰汪石山醫按

三

						漢書門
					一三五	
					五四	
					八九二	
						類號函架冊

						漢書
					11481	
					301	
						類號冊架

內閣文庫		
番號	漢	12541
冊數	8 (.3)	
函號	301	88



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM: Kodak





石山居士醫按卷之三目錄

脇痛

眼目

淋證

遺精



白濁

咳嗽

喘急

氣痛氣逆

痲痺



石山醫按卷之三目錄

痛風

秘結

癩證

發狂

不食

心痛

眩暈

健忘

汗

呃逆

石山居士醫按卷之三目錄 畢

石山居士醫按卷之三

新安汪 機省之

著

門生石聖陳桷惟宜較勘刊行

脇痛

一予嘗王琇客揚州病脇痛醫以為虛用人參羊肉補之其痛愈甚鎮江錢醫治以龍會丸痛減予聞衝雪自蕪湖徒行至診脉弦濡而弱曰脾胃為痛所傷尚未復也遂用橘皮枳朮丸加黃連當歸服之而安越五年腹脇刺痛彼息類前病欲服龍會丸未決予又診之脉濡弱而緩曰前病屬實今屬虛故非前藥可治也遂以人參為君川芎當

歸芍藥為臣香附陳皮為佐甘州山梔為使煎服
十餘貼痛止而食進矣

一縣縣丞年逾五十自京還兩脇肋痛醫用小柴胡
湯痛止復痛前方不効請予求治脉弦細而濡曰
此心脾為酒所傷肝腎為怒也所損兩脇脹痛相火
尤極遂死經曰五臟已虛六腑已極九候不調者
死此之謂歟

一休寧金上舍環海自述云曾因送殯忍饑勞心患
腰肋連脇腫痛不能轉側醫治不効予曰此肝火
也投龍膽瀉肝湯加青皮白芥子枳實
間與當歸龍會丸頓愈

一治一婦先患惡寒手足冷全不温脉入至兩脇微
痛予便作少陽治之陽在內伏于骨體陰在外致
使發寒治當不從內外從乎中治仍用小柴胡湯
倍加薑棗煎温服而効

一人因傷食嘔吐用藿香正氣散二劑五日怒吐
痰甚多狂言熱熾胃脇脹痛診脉洪大也予云此
肝脾二經為邪以加味逍遙散漸向寧復因過服
魚肉腹痛甚變滯下裏急後重日夜四五十行診
脉濡弱稍疾曰此熱傷血也以四物湯加
子大黃黃連下之四五貼而腹痛減半後重
未除仍用前方去大黃服十餘貼繼用香連丸

安三病三起焉其勞施矣後用調中益氣湯調理稍久而遂愈

痒

一一人年逾六十形瘦色蒼紫夜則身痒搔之熱蒸皮肉磊磊如豈粒熱散則痒止肉磊亦消矣醫用烏藥順氣升麻和氣類不効請予診之脉皆細濡稍疾曰此榮虛血熱也醫以順氣和氣所謂誅罰無過也遂以 生地黃 玄參 白蒺藜 當歸 川芎 黃芪 芍藥 黃芩 甘艸 陳皮 煎服月餘愈

一童子感冒風溼發熱身甚痒仍用敗毒散加 蟬

脫煎温服痒去翠辰出疹改用防風通聖散加 玄參頓愈後衄血出不止用犀角地黄湯未止垂死予云前方小劑而奚可達藥力矣為大劑再進而血止安

一女子怒後遍身作痒用逍遙散加 牡丹 川芎

荊芥 黃芩 地黃 山梔子清肝肺火頓効

眼目

一婦年逾四十兩眼昏昧咳嗽常頭痛似鳴而痛若遇飢惡心乃以眼科治之病反甚予診脉細弱右關特近弦弱東垣云五臟六腑皆受氣于脾上貫于目故脾虛則五臟六腑皆不得養故精氣不

能上達也邪襲其虛入眼系注泥丸則腦鳴而頭
痛夫心者君火也宜靜相火行其令若勞役運動
則妄行乘其所勝故咳嗽也醫不理脾胃養血而以
苦寒治之是治標不治本也乃宜用 人參 黃
芪一錢半 麥門冬 貝母一錢 當歸身八分
陳皮 川芎 黃芩各七分 甘州 甘菊花
五分 麥芽四分煎服二貼諸症悉除

淋證

一人形色枯悴年五十餘而病淋沙石澀痛醫用
五苓或琥珀八正散之類病益劇招予診脈濡弱
而緩稍數曰此氣血虛也經曰膀胱者津液之腑

氣化出焉今氣虛不惟不能運化蒸溽乘之氣餒
不能使之出也又經曰血主濡之血少則莖中枯
澀水道不利醫用通利欲求速効反血愈燥氣愈
耗矣遂用大補湯加 牛膝煎服月餘稍安仍服
八味丸除 附子加 黃芪服半月餘遂安
一省元忽被侵溼小便澀滯難通或莖中作痛予曰
此屬肝膽溼熱先用龍膽瀉肝湯罔効莖中白津
出小便通則疼甚仍以 牛膝 山梔 夏枯艸
薏苡仁 木通 甘艸少 牽牛子水煎服全愈
一人淋瀝疼痛忍之身必戰慄而增寒一醫為冷
欲投參朮之類予云淋証為寒者之誤也不明夫

運氣變化之機亢則害承乃制戰慄似寒經曰屬於火反兼水化之象乃熱甚而鬱結不開或熱出沙石者或如脂膏者亦非冷凝也是皆熱在脬中煎熬日積輕則凝如脂膏甚則結如沙石且如湯瓶煎煉日久熬成湯鹹又如清水煎湯甚久則沸溢自然渾濁也淋症初作者皆主實熱當利之先用八正散加料增減遂愈利之不愈綿延而氣下陷者虛也宜升其氣氣升水自下矣

一人患血淋流下小便盆內凝聚如芍藥稍久而有變如鼠百治不應予偶受一僧有祕方 枯礬錢一細茶末分五二味細末服之即効

一人患淋疾如脂膏日夜疼痛難堪予 干藤一兩

薏苡仁兩半木通同甘艸減半水煎頻頻服之頓愈

遺精

一治一人年四旬餘患洩精年久元氣虛乏齒牙作腫疼甚予用補中益氣湯加 半夏 茯苓 芍藥間六味地黄丸加 兔絲子奏効後用十全大補湯加 麥門冬 五味子 兔絲子帶小便白濁口乾作渴大便閉澀午後發熱甚用補中益氣湯加 玄參 芍藥并用加味腎氣丸及八味丸而全愈

一治一人患夢遺白濁與澀精之藥益甚予云知其

鬱滯仍用導赤散遺精乃止又一人年踰四十素勞心後夢與人交而泄精小便後精出莖中痒痛予云此因心經有火神志不寧以人參黃連生地黃遠志茯神酸棗羚羊角各等分細粉每服至數次得効閒用八珍湯全愈後又再發用八珍湯加龍骨牡蠣樗樹根皮頓効

一治一人年四旬洩精年久綿延神不守舍夢亂心跳不眠或白濁仍用清心蓮子飲罔効取袖珍方小便下赤白濁條藥服之并進小兒絲子丸復與四物湯加黃柏無効復診之一日閒其脉或浮濡或沈弱而緩予云脉之不常虛之甚故也此心

脾腎二經之病也理宜補脾為主兼之滋腎養心以人參為君白朮茯苓麥門冬酸棗仁山梔子生甘艸為佐蓮肉山查子黃柏陳皮為使其他牡蠣龍骨川芎白芍藥熟地黃之類隨其宜加減將息旬日効

白濁

一人年逾三十季夏日午入房後汗多晚浴又近帷幕因患白濁醫用胃苓湯右眼作痛用四物加三黃服之然睡少頃覺口中不快及左膝腫痛至仲冬不藥而白濁自止漸而變背痛不能反側晝輕夜重喘則繩如縛腰脇痛不可忍或時夢遺次

年正月請予診脈緩弱無力左脈緩而滑曰此脾腎病也夫緩脾脈也今緩弱無力脾虛也左脈滑者血熱也遂以

人參 黃芪 各二錢 茯苓 白朮 當歸身 麥門冬 各一錢 牛膝 神曲 陳皮 黃柏 各七分 甘州 五味子 各五分 煎服三十餘貼仍

以龜板參芪黃柏 各二兩 熟地山茱萸枸杞杜仲歸身 各一兩 丸服而愈

一男小便日數十次如稠米泔色或神思恍惚身體瘦悴食減以女勞得之服桑螵蛸散末終劑尋愈安神魂定心志治健忘小便數補心氣方

桑螵蛸 遠志 石菖蒲 龍骨 人參 茯

神 當歸 龜甲 醋炙各一兩 爲末每服二錢 臨臥以人參湯化下

一一人脬氣不足小便頻數日夜百餘次用 益智仁 天台烏藥 各等分 爲細末酒煮山藥打糊爲丸如梧子大各之曰縮泉丸臨臥用鹽酒送五七十丸遂愈故記茲

一婦年近六旬形肥平素嗜膏粱酒肉中焦不清故濁氣流入膀胱下注作白濁也此溼痰也先用二陳湯去痰加 升麻 柴胡升胃中清氣加 蒼朮 白朮補胃去溼煎服四五貼後濁大半減少却覺胃滿予曰此因升麻柴胡動胃氣痰壅作

滿悶也仍於前方加 炒麩 白朮 香附子 枳實頓愈

一人治心虛遺精白濁用炒香散去 麝香加

香附子如神 又婦人頭暈吐痰胸滿氣喘得食

稍緩苦於白帶二十餘年諸治不應此氣虛而痰

飲痰飲治則白帶自止遂朝用六君子湯夕用六

味丸佐與 當歸 川芎 白芍藥 生地黃

人參 白朮 茯苓 山藥 杜仲 香附子 各

分 甘草 減 烏梅 一箇 因肥人加 半夏 冬加煨乾

薑 年餘而全愈

咳嗽

一人形長也蒼年逾四十每遇秋涼病痰嗽氣喘

不能臥春暖即安如此十餘年也用紫蘇 薄荷

荷 荊芥 麻黃等以發表用 桑白皮 石膏

滑石 半夏以疏內暫雖快復作予診脈洪滑

曰此內有鬱熱也遇秋涼則皮膚緻密熱鬱不能

發泄故作矣熱鬱本也然不治其本反發表徒損

其外表宜以三補丸加 太黃酒炒三次 貝母

瓜蒌丸服仍令每年立秋以前服滾痰丸三五

十粒漸安

一婦年逾五十其形色脆弱無能也澤每遇秋冬痰

嗽氣喘自汗體倦臥不安或嘔惡心診脈浮緩而

濡曰此表虛不堪風寒也遂用人參 黃芪各二錢

麥門冬 白朮各一錢 當歸身 陳皮

各七分 甘州 五味子各五分 煎服十餘貼而安

次年秋間滯下腹痛後重脉皆濡細稍滑予曰此

鬱熱欲下也體雖素弱經曰有故無殞遂以小承

氣湯利兩三行腹痛稍除後重未退再以補中益

氣湯加 枳殼 黃芩 芍藥 煎服仍用醋澆

熱乾布以裹之坐其上而愈是年遇寒咳嗽喘亦不

作矣

一婦產後咳嗽痰多晝輕夜重不能安寢飲食失

味或時自汗醫用人參清肺湯嗽愈甚予為診之

脉浮濡稍疾曰此肺熱也服保和湯五貼而安

一婦懷妊七箇月喘嗽不能安枕坐久臀皮肉潰

爛鑿用蘇子降氣湯及三拗湯參蘇飲罔効予診

之右脉浮濡良疾左脉和曰此肺虛也遂以

人參錢半 白朮 麥門冬各一錢 茯苓八分 當歸身 阿

膠 黃芩各七分 陳皮 五味子 甘州各五分 煎服

五六貼而痊

一婦人年三十素質稟脆弱產後咳嗽痰臭一醫作

肺癰治增劇綿延及兩脚漸腫至膝大便溏小腹

脹痛午後作發熱面紅氣促不能向右臥余診脉

虛細而數凡咳嗽左右向不得眠者上氣促下泄

瀉者發熱不為瀉減者此皆病之變也按心主臭
 自入為焦臭入脾為香臭然脾變為乎諸臭者以
 包括四維也蓋脾不能運行其溼溼鬱為熱釀成
 痰而臭矣經曰左右者陰陽之道路也脾虛則肺
 失所養氣劣行遲壅遏道路故咳嗽氣促不能右
 臥也脾虛必奪母氣以自養故心虛發熱而見於
 午也脾主溼溼勝則內滲於腸胃為溼泄外滲於
 皮膚為浮腫今用人參 白朮 甘草補脾為
 君 白朮 茯苓溼溼為臣 麥門保肺氣 酸
 棗仁以安心神為佐 陳皮 前胡以消痰下氣
 為使用陳壁土以受陽光最多用之以為引用蓋

土能解諸臭用以補土亦易為力矣此取錢氏黃
 土湯之義也服一貼前症稍減病者言汪微不救
 頓首拜謝喜甚多汪曰未也數服後無反復方是
 佳兆否則所謂過時失治後發寒熱真陽脫矣泄
 而脚腫脾氣絕矣何能收救

- 一 一婦患症同前醫作肺癰治之用百合煎湯煮粥
 食反劇予診脉細弱而緩仍以參芪甘溫等劑不
 數服愈此因用治之早也
- 一 一童子八歲傷寒咳嗽稍挾痰面赤日夜不休丁
 氏治兒之方以參蘇飲數日反嗽甚予診之脉洪
 稍疾曰熱傷肺也煎葛氏保和湯二服如失

喘急

一 刻頃友清秋此患痰喘素體肥也白年近六旬喘甚如曳鋸夜不能臥請余治診脈浮洪六七至中或有一結予云喘疾脈洪可治也脈結者痰礙經隧耳用生脈散加竹瀝服之至十餘貼稍定思者嫌遲更醫服三拗湯反而元氣頓虛脫而迫危時又迎予診脈虛細無力以五味異功散加麥門冬五味子桔梗生薑水煎溫服月餘而漸復舊

一 治一婦形肥而長面色紫淡產後患喘不能臥消穀善饑汗出如洗余云此陰虛陽亢用升陽滋陰

之劑旬日而愈

一 一人踰六旬患氣喘診之脈皆營營如蛛絲曰此難治之症也果如期晝早逝

一 中年男久喘而每發不食聲撼四隣綿延百治不應寸脈沈伏關滑遂用人參白朮當歸

地黃薑汁製之瓜蒌陳皮茯苓黃芩

黃連乾薑煎湯送下青礞石丸將發時先用

神効沈香丸降之次於前藥中加杏仁枳實蘇葉瓜蒌實紫蘇子煎溫服頓愈

一 一婦年五旬素患嗽忽大喘吐痰如湧汗出如油脈浮而洪似絕命之狀仍用麥門冬四錢人參二錢

五味子錢半水煎服一貼喘定汗止三貼後痰亦

減少再於前方加瓜蒌仁錢半白朮當歸芍

藥黃芩錢半煎服愈

氣痛氣逆

一治一人遍身皮底渾渾如波浪聲痒不可忍抓之

血出不止予曰此名氣奔用人參苦杖青

鹽細辛各一兩水二碗煎取清汁飲之而竟愈

一婦瘦弱年四十餘患走氣遍身疼痛或皆脹痛

或兩脇刺痛一月或二三發發則嘔盡所食之物

方快飲食不進久就床枕醫作氣治用流氣飲或

作痰治用下藿二陳湯反甚予視之其脉細微而

數右脉尤弱曰此恐嬌居憂思傷脾而氣鬱也理

宜補脾散鬱以人參三錢香附子砂仁黃芩

甘州各五分黃芪二錢當歸身錢半川芎八分乾薑四分煎

服十餘貼脉之數而弱者稍緩而健也諸痛亦減

仍服前方直用人參黃芪川芎香附子

山梔子甘州以神麩糊丸服之全安

一邑庠司訓蕭先生年逾五十形肥紫病氣從臍下

衝逆而上睡臥不安飲食不進精神不爽予診之

脉浮濡而緩曰氣虛也問丹溪曰氣從臍下起者

陰火也何謂氣虛曰丹溪云肥人脉緩亦氣虛今

也脉相合非氣虛而何遂以人參黃芪為

君 白朮 白芍藥為臣 當歸身 熟地黃
黃栢 陳皮 甘艸為佐使煎服十餘貼稍安後
又彼以胸膈不利躬自倍陳皮七分而反氣衝上
仍用前方月餘而愈

麻痺

一婦時遍身麻痺則懵不省人事良久乃甦醫作
風治用烏藥順氣散又用小續命湯益甚予診之
脉浮濡緩弱曰此氣虛也氣餒行遲不能接續也
猶人久坐屈膝氣道不利而至伸足而麻者是也
心主血也如氣不行則血亦不流是以心失所養
而昏懵也遂用 人參 黃芪各二錢 當歸身 茯

苓 麥門冬各一錢 黃芩 陳皮各七分 甘艸五分 煎
服而愈

痛風

一治一人患左脚痺痛一醫作風治不効予診之曰
人身之血猶溪河之水也細流則阻滯得冷則凝
聚此病得於新娶之後未免血液勞損而凝礙加
之寒月涉水益其滯安得不痺矣滯久不散鬱而
為熱致成腫毒若能預加滋養庶幾毒潰可免後
患遂令服四物湯加 牛膝 紅花 黃栢等四
五十貼其家見病不退復疑欲用風藥予云風藥
無速効病邪不退藥力未達也令守前劑每貼加

人參

四五錢

痺除而肌亦易長後覺左脚縮短四五寸衆以為爲躄予云年尚壯無慮也候血氣充足則筋得所養而自可伸矣後果平復如舊

一治一婦年踰五十患左脚膝攣痛不能履地夜甚於晝小腹亦或作痛診脉浮細緩弱按之無力尺脉尤盛病屬血虛遂以四物湯加 牛膝 紅花

黃栢 烏藥煎連進十餘貼而安

一婦人冬月患痛風寒熱往來診脉弦緊一醫用敗毒散加減將息未寧惟兩膝腫痛用大防風稍得効

秘結

一婦人發居改嫁乘輪勞倦加之憂懼成瘕之際遂小腹脹痛大小使秘結不通醫以硝黃三下之隨通隨閉胸膈胃脘脹痛自汗食少予診之脉皆濡細稍疾左寸頗大右脉覺弱予曰此勞倦憂思傷脾也蓋脾失健運之職故氣滯不行以致秘結今用硝黃利血而不能利氣遂用 人參二錢 歸身半錢 陳皮 枳殼 黃芩各七分 煎服而愈

瘕證

一治一人瘕發晨時見黃狗走前則昏瞶仆地良久乃甦諸醫罔効予云早晨陽分狗陽物黃土也胃屬陽土土虛為木火所乘矣經曰諸脉皆屬於目

故目擊異物空實胃瀉肝而火自息遂以人參

白朮 當歸 黃芪 陳皮 神曲 茯苓

黃芩 麥門冬 荊芥 煎服月餘而安

發狂

一治一婦忍饑勞倦發狂予云二陽之病發心脾二陽者胃與大腸也忍饑過勞胃傷而火動矣延及心神脾意擾亂安得不狂仍用獨參湯加竹瀝飲之頓愈

不食

一文學倪念嵐纍勞積鬱胸膈飽悶不能飲食服消食之劑罔效改而理氣又改行痰又改而開鬱又

改而清火如斯半載餘而藥乃踰百劑反而病勢增劇親族惶懼招予千里往而喟然嘆曰脉大而軟兩尺如絲予明告曰是過火衰不能生土反以伐氣寒涼投之奚異于人既入井而又下石乎遂以六君子湯加益智 砂仁 乾薑 肉桂 各一錢煎服至十劑向寧雖然食甚微也余勸以加附子一錢間與補中益氣丸佐兼用八味丸調理旬日而漸効

一治一人平素思食微少腹悶或日偶啖蒸餅遂作發熱渴甚頭痛嘔逆一醫以傷寒治之或以消食之劑俱不効勢甚危迫予診之曰脉無停滯之象

按之軟且濡是脾土大虛之診也先用參朮膏數匙次以四君子湯加砂仁以七珍散開胃養中州進食復元陽諸症脫然如平日矣

心痛

一進士中震何公夫人年踰三旬經行時胃口作痛增寒發熱一醫以四物湯加香附官桂煎服之頓吐血痛愈甚予診之六脉洪數此鬱火也以山梔子二兩薑汁浸炒黑色煎一服愈後亦發進前方罔效反胃口疼痛惡心吐清水作煩悶予云此胃中有伏火及膈上有黏痰故胃口作痛乃以蒼朮炒茯苓半夏陳皮青皮香附子炒

山梔子黑炒黃連薑汁炒神麩炒各五分甘艸三分加延胡

索其作一服生薑片三水煎溫服全愈

一一人熱厥患心痛不寧身熱足冷痛甚則煩躁而嘔吐額上自汗診脈洪大予知為熱先灸大谿崑崙引熱下行頓止汗稍快後以金鈴子玄胡索各等分為細末每服錢三酒調下間與枳實丸去餘邪安

一通判丈人胃脘作痛諸治不應亟死予以熊膽如大豆許和水服之頓効如神

一監懸之閣年踰五旬春末心脾疼自言腹脹滿手足冷過肘膝以綿裹火烘予云夫胸襟畏熱却喜

一 掀露得風涼則快診脉沈細而澀稍重則絕輕則似弦而短口渴引飲穀肉全不進仍以艸豆蔻丸三倍加黃連滑石神麩炒為丸白朮為君茯苓為佐陳皮為使作湯送下前丸至三百丸奏驗安後月餘而復作以手按之痛稍安予云此挾虛也以二陳湯加炒乾薑頓安
 一 青巖劉山長子年二十五歲患氣鬱服藥年餘中間更醫不一諸醫悉以順氣之劑曾罔效及熱往來診脉弦弱瀉大便泄或閉澀或作心疼不食予以二陳湯加白朮黃連黃芩桃仁郁李仁澤瀉水煎溫服熱往來除心痛未安得

咽喉噎塞如有所得胸膈痞悶時吐痰唾耳若蟬鳴頭目不清診脉六脈沈數知是為氣以半夏杏仁桔梗茯苓紫蘇沈香烏梅香附子厚朴生薑三片水煎徐徐溫服間與清火豁痰丸竟愈後灸患門四穴不再發
 一 一人平素蟲積臍下左邊心腹疼痛時作時止或氣鬱滯則足冷診脉沈細以青皮良薑炒莪朮香附子炒官桂莪朮醋煮三稜同上水香川芎水煎溫服又脇痛不可忍及小腹至遠臍冷痛以吳茱萸鹽水浸三度柴胡厚朴半夏各七分青皮川芎各六分香附子童便浸山梔

子炒各八分 黃連炒 茯苓 陳皮各一錢 白芍藥炒七分

當歸八分 枳實炒五分 甘州三分 生薑三片 水煎服之聞與

當歸龍薈丸伐肝木之氣頓効

一孫押班奴僕忽患心腹疼痛亟死右脇下有塊作

痛予云此食積也以平胃散加 木香 青皮

山查子 麥芽 延胡索 枳實 檳榔子 乾

薑 神麴 生薑三片 水煎服之聞服枳實丸

頓愈

眩暈

一至元戊辰春參政楊公年踰七旬面色也如醉暈吐

粘痰眩暈如在雲霧中診脉洪大尺脉弦細無力

余云此上熱下寒也凡上熱如鳥巢搖搖高年氣

弱萬事不記先以三稜針散刺前髮際而隨針出

紫血則頭目乃清利如出塵而快矣

一即陽巡撫孫海公嘗患怔忡腹脹予診之脉浮弦

滑急夫怔忡怒氣傷肝驚入膽木不生火母弱而

子虛心血鬱滯胃之上下加之以事務繁穴息虛

惱心君故怔忡或腹脹膈胃乃心肺位心血虛而

君位不寧痰留結心包上腕亦能使人怔忡且腹

脹經曰諸氣臆鬱皆屬肺是亦臆脹之類也故脉

弦為虛為脹滑為血熱痰故為怔忡仍製一方

人參 知母 當歸 麥門冬以和心肺之氣血

五味子 酸棗仁 枳殼 桔梗 潤行鬱滯
 黃連 山梔子之若以降浮散之火相子仁之辛
 黃柏之苦以固腎元正心氣炙甘艸之甘溫變理
 三焦調和陰陽心君泰然臍脹如雪融遂快愈後
 又脣上發疔痛甚余用活命飲更欲隔蒜灸彼不
 從綿延而腫勢已盛也余復誠告以灸復沮而不
 可頭面腫如斗舉家彷徨灸五十餘壯腫頓消再
 與活命飲加減將息瘡出黃水遂愈後用補中益
 氣湯調治無恙矣

一人勞役饑寒遂眩暈不寧不食及六七日診脉
 虛細弱先用五味異功散加 黃芪 遠志 半

夏 茯神 熟地黃 白芍藥 天麻 水煎至
 二十餘貼効後因傷食虛極欲倒如坐舟車手足
 冷診脉沈細似無一醫欲用六君子湯予云此真
 陽不定上氣下冷也頓用 人參十錢 大附子
 炮三錢右剉一劑 生薑五分水煎冷服立愈後
 用四君子湯調理而安一人有患前症者見余所
 用之方用參附不効反而身體紅也疼痛不安時
 迎予余曰此附毒也不辨症而妄用附子也乃先
 取蘿蔔搗末瀘汁二大碗入 黃連 甘艸各半
 犀角三錢 水煎至八分服之以解附毒其紅也立
 去身疼頓愈若遲而治之則血從口鼻出而必斃

可慎哉矣

一婦年三旬餘平素患眩暈諸治不應發作則旋轉其狀猝如向薄莫四肢冷如立舟車且欲倒予曰此元氣虛弱痰所為也用二陳湯加川芎白芷羌活枳實南星薑汁炒防風細辛黃芩天麻或氣虛則加人參白水有熱則加黃連水煎溫服間與安神散去麝香加香附子童便製炒月餘而快愈後又驚悸觸事有所大驚且眩暈不安予云此名曰心驚膽寒病有心膽經診脈大動加豆粒厥厥動搖如無頭尾也此空鎮定乃用黃連安神丸用溫膽湯加

神 當歸 菖蒲 遠志 龍眼肉 水煎溫服
月愈 健忘

一鴻儒年踰四旬患健忘或怔忡或頭痛乃以石菖 免絲子酒浸 遠志去心用甘州水煮乾各一兩 地骨皮二兩 生地黄 五味子 川芎各一兩 人參半兩 柏子仁一兩 右細末以薄糊丸如梧桐子大空心以棗湯送下効

一一人憂愁過度驚悸不安又勤政不暇勞心氣過多吐痰每夜不眠健忘失志或驚悸怔忡用育神養心湯 黃芪蜜炒 茯神 白茯苓 當歸 生地

黃

微炒 各一錢

川芎

遠志

去心

栝子仁

酸棗仁

人參

生各七分

甘州

少

五味子

十四箇

官桂

生薑

二分水

煎溫服間與六味丸加

人參

遠志

當歸

石菖 白茯神

酸棗仁

炒

入紫河車蜜丸搗勻

服之以安心養血凝神竟愈

一人踰六旬因用心太過少寐驚悸怔忡寒戰或

健忘失心言語如癡診脈虛細數予先用補中益

氣湯加 茯苓 酸棗仁 遠志 官桂 寒戰

漸止間用養心湯又怔忡眠著即大斲又驚懼乃

用 羚羊角 烏犀角各用水磨濃汁入所用或

養心湯化下得速驗斲睡者此心肺火也不可

知

汗

一人書生患盜汗每夜溼被數重發開寢衣蒸熱

如秋霧之上騰余用六黃湯加減數十貼旋減半

再診六脈乃沈伏脈死加 人參 七分 黃芪 三倍 復

以童便製附子 三分 煎服熱退汗止安

一魯完真妾出黃汗染衣諸治不應余以開鬱劑即

越鞠丸加減者類也 山梔子 薑炒 為君 香附子

蒼朮 赤茯苓 通州 滑石 澤瀉 黃柏

煎服數貼竟愈病家詢病因余云媵妾正與師尼

寡婦同意態以慾不得遂故也經曰木鬱達之者

類是也

一童子年十五歲患咳且大盜汗遂予請治一醫已
以止汗之劑屢治之反而兩眼紅灌且食減痰帶
血如絲診脈左微而右洪數予云此火熱也以
當歸 地黃 茯神 遠志 牡丹皮 酸棗仁
白朮 桔梗 黃連 甘艸各等分煎服而後每
夜遺精自汗且盜汗予曰此宜實腠理也以
芍藥酒炒 龍骨醋煨 牡蠣煨 桂枝各三錢 人參五分 黃芪三錢
甘艸二錢 棗二枚 水煎服全愈

一人年踰五旬病後患內傷自汗不止元氣虛乏
診脈浮虛或濇用補中益氣湯去 柴胡 升麻

加 製附子 麻黃根 浮麥水煎服二十餘劑
元氣未復汗出不止四肢倦怠手足冷再以參附
湯芪附湯月餘而漸愈

呃逆

一朱奎老翁呃逆不止已及四五日諸治不應衆醫
束手仍以 青黛一味 作丸白湯化下得速効
安

一婦陰火衝胃上升發呃逆夫從臍下氣上升者
蓋陰火也用滋陰降火湯加 茴香 柿蒂 煎
服之罔効關元穴灸七壯立愈

一人患傷寒後元氣虛乏微咳或發呃不止且作

眩暈乃以 陳皮 半夏 乾生薑 人參炒 竹
 筴 甘草炙各 水一鍾半煎一鍾食遠温服間灸
 乳根二穴七壯全愈或用黃臘薰烟二三火立止術
 易簡而功奇也

石山居士醫按卷之三 終

